



CO VINAVANT SENTER L'EMPRENDISSADI?

Vus essas londervi da finir Voss emprendissadi u Vus al avais gia terminà? Organisar e sa decider per in proxim pass en la carriera professiunala na succeda betg dad oz a damaun. Igl è impurtant da planisar quest pass ad uras. Vus avais pliras pussaivladads.

Tschertgar experientscha da lavur

En blers cas fa i senn da lavurar emprim el mastergn per rimnar experientschas. Dumandai il manaschi d'emprendissadi ad uras sch'el occupescha Vus vinavant. In engaschament po esser limità u betg limità.

Sche quai na reussescha betg u Vus giavischais ina midada professiunala stattan differents portals da plazzas a disposiziun a Vus en l'internet. I dat portals generals e specifics (tenor branschas) da plazzas. Tschertgai ina piazza adequata ed endrizzai in abo en connex cun vossa dumonda da retschertga. Empruvai noziuns alternativas, sche be paucs resultats sa mussan. Firms ed instituziuns publicas mettan lur plazzas libras sin lur pagina d'internet. Mirai adina puspè, schebain i dat novas plazzas da lavur tar ils patruns che vegnan en dumonda. Tut tenor branscha cumparan inserats da plazzas er en gasettas dal di e da l'emna, sco era en brochuras professiunalas. I renda da leger quellas regularmain.

Praticums, plazzas temporaras u stagiunals porschan bunas pussaivladads da rimnar experientschas en la professiun emprendida u en in nov champ da lavur. Savens vegnan talas plazzas surprindidas en il temp tranter emprendissadi ed in perfecziunament u in segiurn en l'exteriur.

Emprendissadi supplementar / segund emprendissadi

Tut tenor la professiun po tgi che ha terminà sia furmaziun professiunala da basa cun in AFP, entrar en il 2. onn d'emprendissadi da la furmaziun fundamentala AFQ respectiva da 3 u 4 onns, sch'ella u el ha cuntanschì bunas prestaziuns.

Suenter avair terminà in emprendissadi cun in attestat federal da qualificaziun (AFQ) po vegnir absolvì in segund emprendissadi. Eventualmain po la durada da quel vegnir scursanì.

► www.berufsberatung.ch/efz-nach-eba

► www.berufsberatung.ch/planung → Laufbahnmöglichkeiten → Zweitlehre

Planisar furmaziuns supplementaras

In diplom professiunal è ina buna basa per pudair frequentar ulteriuras scolaziuns e perfecziunaments. Il sistem per furmaziun professiunala en Svizra porscha differentas pussaivladads da planisar Vossa carriera.

As vulais Vus spezialisar en la branscha? Lura è la furmaziun professiunala superiura cun ils examens professiunals, ils examens professiunals superiurs u las scolas superiuras spezialisadas ina via pussaivla. Vegn ina scola auta en dumonda per Vus? Alura pudais Vus far l'emprim la maturitad professiunala suenter l'emprendissadi (MP 2). Suenter porschan las scolas autas spezialisadas, las scolas autas da pedagogia,

las universitads e las Scolas politecnicas federalas differents studis. As infurmai davart las cundiziuns d'admissiun.

► www.berufsberatung.ch/weiterbildung

Survetsch militar ni civil

Suenter la furmaziun professiunala da basa suonda per ils blers Svizzers maiorens ed opziunalmain per Svizras maiorennas il servetsch militar. As infurmai davart las differentas pussaivladads:

► www.armee.ch/de/militaerdienst → Mein Dienst

Il servetsch civil è in servetsch da cumpensaziun per persunas obligadas da far la mostra che na pon betg prestar servetsch militar ord motivs da conscienza. Per regla cuzza quel 1.5 giadas uschè ditg sco il temp dal servetsch militar.

► www.zivi.admin.ch → Zivi werden

Segiurn a linguistic, segiurn a l'exteriur

Differentas organisaziuns en Svizra e da l'exteriur èn sa spezialisadas sin programs da barat. D'ina vart dat i organisaziuns privatas sco per exempel l'uniun Intermundo, da l'autra vart instituziuns dal maun public sco l'agenzia naziunala Movetia per barat e mobilitad. Quella porscha per exempel praticums en manaschis en l'exteriur per persunas che han gist terminà lur emprendissadi. In segiurn u in engaschament da lavur a l'exteriur porschan fitg bunas pussaivladads d'emprender d'enconuscher il pajais e sia cultura e lingua.

► Segiurn linguistic: www.berufsberatung.ch → Aus- und Weiterbildung → Fremdsprachen, Sprachaufenthalte

► Segiurn a l'exteriur: www.berufsberatung.ch → Aus- und Weiterbildung → Sich ausbilden im Ausland

Sa far independent

Radund mintga otgavla persuna che lavura en Svizra lavura a gudogn independent. Il pli savens vegn la furma giuridica da la firma singula elegida. Il pass en l'indipendenza duess vegnir planisads cun quità. Trais facturs èn decisivs per fundar in'interpresa: ina valitaziun realistica da sasez, ina valitaziun realistica dal conturn economic, la prontadad da lavurar bler intgins onns e tut tenor na gudagnar bler latiers.

► www.berufsberatung.ch → Arbeit und Beschäftigung → Beschäftigung → Sich selbstständig machen

Senza lavur pajada

Tgi che na sa betg pli lavurar suenter l'emprendissadi duess s'annunziar immediatamain u fin il pli tard l'emprim di da dischoccupaziun tar il center regional per intermediaziun da lavur (CIL).

► www.arbeit.swiss: Job-Room, Annunzia tar il CIL e la cassa da dischoccupaziun, infurmaziuns en connex cun il martgà da lavur, mussavia per la dretga moda da proceder

Fegls d'infurmaziun CIP

- Tschertga da plazzas
- Pussaivladads da furmaziun supplementara

CIP Grischun

Vus As vulais far ina midada professiunala? Vus As vulais perfecziunar, ma na savais betg propi en tge direcziun? Las cussegliadras ed ils cussegliaders As sustegnan a concepir Vossa carriera.

- www.berufsbildung.gr.ch
- biz@afb.gr.ch